

8 март – Халқаро хотин-қизлар куни

АЗИЗ ВА МУҚАДДАССАН АЁЛ

Ўлкамизда кезаётган баҳорнинг ўзгача нафаси кўнгилларни хушнуд этибгина қолмай, барчанинг юзига табассум, лабиға кулгу улашмоқда.

Гўзаллик, нафосат, янгиланиш фасли бўлган баҳорда табиат уйғониб, атроф ўзгача чиройга эга бўлади. Табиатнинг фусункорлиги га ҳамонан тарзда байрамларни халқимиз кўтаринки кайфият билан нишонлайди.

Шайхонтоҳур туман ҳокимлиги, туман хотин-қизлар кўмитаси, маданият ва спорт ишлари бўлими, "Махалла" хайрия жамоат фонди туман бўлини маси, Ўзбекистон давлат консерваторияси ва бошқа ташкилотлар билан ҳамкорликда Халқаро хотин-қизлар куни муносабати билан Ўзбек миллий академик драма театрида "Аёл борки, олам мунаввар" деб номланган байрам тадбири ташкил этилди. Унга туманнинг ижтимоий-иқтисодий ривожланишига муносиб ҳисса қўшиб келаётган фаол аёллар, фахрий онахонлар, туман ободонлаштириш бўлими ходимлари, яққа-ёлғиз қариялар таклиф этилди.

Тадбир очилишида сўзга чиққан Шайхонтоҳур тумани ҳокимининг биринчи ўринбосари Шухрат Содиков, туман хотин-қизлар кўмитаси раиси Сурайё Пулатова, Ўзбекистонда хизмат кўрсатган артист, Ўзбек миллий академик драма те-

атри директори Фатхулла Маъсудов ва бошқалар Президентимиз раҳнамолигида мамлакатимизда аёлларга ғамхўрлик ва эътибор кўрсатиш, оила, оналик ва болалик манфаатларини ҳимоялаш, жамиятда соғлом турмуш тарзи ғояларини мустаҳкам қарор топтириш масалаларига устувор аҳамият қаратилаётганини таъкидлаб ўтишди.

— Мустақиллик Ўзбекистон хотин-қизларининг давлат ва жамиятда муносиб ўрин эгаллашлари учун кенг имкониятлар эшигини очди, — дейди Шайхонтоҳур туман ҳокими ўринбосари, хотин-қизлар кўмитаси раиси С. Пулатова. — Зеро, аёл – тадбиркор, ишбилармон, олима, давлат арбоби ва табаррук онадир. Шу боис ҳам опасингилларимиз доимо эҳтиром ва эъзоздалар. Юртимизда 8 март Халқаро хотин-қизлар кунини кенг нишонлаш ва бу кун орқали аёлларга алоҳида ҳурмат кўрсатиш аънаанага айланиб қолган. Ўзбек аёли гўзал шарқона ахлоқий фазилатлар соҳибаси сифатида кун сайин ўз нуфузини ошириб, ақлаковати, шижоати, серқирра меҳнати орқали янада фаоллашиб бормоқда. Буларнинг барчаси юрти-

мизда аёлларга қаратилаётган эътибор ва ғамхўрлик натижасидир.

Тадбир давомида кўп йиллардан бери сидқидилдан меҳнат қилаётган, фидойи ва фахрий аёлларга қимматбахо совғалар топширилди.

— Халқимиз азалдан аёлларга ҳурмат-эҳтиром кўрсатишга, уларни асраб-авайлашга алоҳида эътибор қаратиб келган, — дейди тумандаги "Янгибод" маҳалла фуқаролар йиғини раиси Манзура Валиева. — Истиклол йилларида бу эзгу аънаана янгича маъно-мазмун билан бойимокда. Бугунги кунда ўзбек аёлининг эришаётган муваффақиятлари таҳсинга сазовор. Оила билан бир қаторда ўз кучи, билим ва маҳорати билан юқори чўққиларни забт этаётган аёлларимиз миллатимиз фахрига айланган. Маҳалламиздаги уч минг саккиз юздан ортиқ аёлларимиз кўрсатаётган фаолликлари билан ажралиб туради. Жамият тараққиётига ўзининг муносиб ҳиссасини қўшиб келаётган аёлларимиз билан фахрланамиз. Барча аёллар қатори туманимиздаги жамият тараққиётига ўзининг муносиб ҳиссасини қўшиб келаётган аёлларимизни байрам билан муборакбод этаман.

Тадбир давомида ташриф буюрганлар учун дилтортар куй-қўшиқлар жаранг сочди. Кўтаринки кайфиятда ўтган байрам тадбири сўнгиде "Иймон" номли спектакль намойиш этилди.

Зиёда РАСУЛОВА

"Қамолот" ёшлар ижтимоий ҳаракати Чилонзор туман Кенгаши ташаббуси билан 8 март – Халқаро хотин-қизлар куни муносабати билан аёллар ва қизларга ҳурмат-эҳтиром кўрсатиш ҳамда уларни муносиб тақдирлаш, жамиятда аёлларга яратилган шарт-шароитлар тарғиботини олиб бориш, ёш авлодни она, устоз, аёлга бўлган меҳрини кучайтириш ва уларни эъзозлашга ўргатиш мақсадида "Онажон мўътабар" лойиҳаси ишлаб чиқилди.

ОНАЖОНИМ МЎЪТАБАР

— Аёлга эҳтиром кўрсатиш, уни улуғлаш ва ҳурмат қилиш азалий қадриятларимиздан бири саналади, — дейди Ҳаракатнинг туман Кенгаши раиси Баҳодир Зиёвдиқов. — Бугунги кунда жамиятимизда аёлларнинг ўрни ва ролини ошириш борасида кўплаб ишлар олиб боришмоқда. Кенгаш томонидан ишлаб чиқилган "Онажон мўътабар" лойиҳаси жорий йилнинг 1-10 март кунлари ўрта махсус ўқув юрларида тахсил олаётган ёшлар, "Қамолот" ЕИХ сардорлари ўртасида "Баҳор марафони" танлови, умумтаълим мактабларида "Аёли улуғламоқ – оилани, Ватанини улуғламоқ демокдир" мавзусида маънавий-маърифий тадбирлар, академик лицейларда "Аёлининг сариштаси – рўзгорининг фариштаси!" мавзусида туркум тадбирлар, тумандаги барча таълим муассасаларида "Она – ҳаётнинг гули, бола – унинг бўлбули!" мавзусида расмлар танлови, умумтаълим мактабларида "Онам дерман", ОУЮ, ўрта махсус ўқув юрларида "Устозим онам" мавзусида иншолар танловларини ўтказиш белгиланган. Шу билан бир қаторда байрам муносабати билан умумтаълим мактаблари етакчилари ўртасида "Балли, қизлар" шиори остида "Пазандалик маҳорати" кўрик-танловини ташкил этиш, лойиҳа доирасида "Қалби пок ҳилқатдан ажиб, дунё гўзаллик тимсоли аёл" мавзусида "Қамолот" оқшоми маданий тадбирини ўтказиш, узок йиллар меҳнат қилган педагоглар ҳолидан хабар олиш, уларни байрам билан муносиб қўлаш ишлари ташкил этилди.

Жорий йилнинг 1-3 март кунлари туманда жойлашган 32 та умумтаълим мактабларининг 6-9 синф ўқувчилари ўртасида "Онам дерман" мавзусида иншолар танлови ташкил этилди. Ташкил этилган иншолар танловининг умумтаълим мактаб босқичларида 360 нафар ёшлар ўз иншолари билан иштирок этишди. Иншолар танловини ўтказиш бўйича тузилган ишчи гуруҳ ва ҳакамлар ҳайъати аъзолари ўқувчилар томонидан тақдим этилган иншоларнинг мазмундорлиги, имло ҳатола-риси эътибори, ҳуснихатига алоҳида эътибор қаратишди. Иншолар танловининг умумтаълим мактаб босқичида фахрли 1-2-3-ўринни эгаллаган ўқувчиларнинг иншолари танловининг туман босқичида иштирок этиш учун туман Кенгаши қошида ташкил этилган ишчи гуруҳга тақдим этилди. Шунингдек, туманда жойлашган 4 та олий таълим муассасалари, 4 та академик лицей ва 12 та касб-хунар коллежларида тахсил олаётган ўқувчи-ёшлар ўртасида байрам муносабати билан "Устозим онам" мавзусида иншолар танловларининг таълим муассасалари босқичи ўтказилди. Айни кунларда туман Кенгаши қошида ташкил этилган ҳакамлар ҳайъати аъзолари тақдим этилган иншоларни ўрганиб чиқишмоқда. Байрам арафасида иншолар танловининг туман босқичида фахрли 1-2-3-ўринни эгаллаган ўқувчи-ёшлар номинаниялар бўйича тақдирланади.

Зарина РУСТАМОВА

Байрам нашидаси

ЭЪЗОЗ ВА ЭЪТИБОРДАСИЗ

Бугун ўзбек аёлининг қалбига қулоқ тугсангиз, ҳаётдан беҳад мамнунлигини, шодонлигини эшитасиз. Чунки улар давлатимиз ардоғида, эҳтиром ва эътиборида. Аёли эъзозланаётган юртнинг эртаси обод, келажаги эса чиндан ҳам истиқболли ва нурафшондир.

Айни кунларда шахримизнинг барча масканларида Халқаро хотин-қизлар куни муносабати билан байрам тадбирлари кўтаринки кайфиятда нишонланмоқда.

Юнусобод туман ҳокимлиги, Хотин-қизлар кўмитаси, Маънавият тарғибот маркази, Маданият ва спорт ишлари, "Қамолот" ЕИХ туман бўлими ҳамда Ўзбекистон Ёзувчилар уюшмаси, Ўзбек Миллий академик драма театри ҳамкорлигида "XXX" тўйхонасида "Эҳтиром ва эътиборимиз сиз учун азиз аёллар!" мавзусида маънавий-маърифий байрам тадбири бўлиб ўтди.

Сўзга чиққанлар Президентимиз раҳнамолигида хотин-қизларнинг ҳаёт даражасининг сифатини янада яхшилаш, оналик ва болаликни муҳофаза қилиш, қизларнинг замонавий касб-хунар эгаллаб, ҳаётдан муносиб ўрин олиши учун барча шароит яратилганини таъкидлади.

— Мамлакатимизда хотин-қизларга ҳурмат кўрсатиш, қадрлаш юксак даражага кўтарилди, — дейди Юнусобод туман ҳокими ўринбосари, хотин-қизлар кўмитаси раиси Наргиза Қўзиева. — Туманимизда аёлларнинг ҳуқуқ ва манфаатларини ҳимоя қилиш, уларни иш билан таъминлаш, қизларимизнинг иқтидор ва салоҳиятини юзага чиқариш борасида дастуруламал ишлар олиб боришмоқда. Мен бугун, фурсатдан фойдаланиб барча аёлларимизни, гўзал қизларимизни байрам билан чин кўнгилдан, самимий табриклайман.

Байрам тантаналари доирасида ишлаб чиқариш, илм-фан, тадбиркорлик, ҳунармандлик, спорт ва санъат соҳасида қўлга киритган ютуқлари учун туманнинг бир гуруҳ аёллари тақдирланди.

Тадбирда халқимиз ардоқлаган санъаткорлар, эстрада хонандалари ижросида куй ва қўшиқлар янгради.

Тошкент фармацевтика институти томонидан ўтказилган байрам кечаси "Сен барибир муқаддассан-муқаддас аёл" деб номланди.

Ўзбекистон давлат консерваториясида ташкил этилган тадбирга мазкур институтида фаолият юритаётган аёллар, фахрий педагог онахонлар, дилбар қизлар ва иқтидорли ёшлар таклиф этилди.

Тошкент фармацевтика институти ректори, профессор Х.Жалилов ва бошқалар "Халқ билан мулоқот ва инсон манфаатлари йили" Давлат дастурида белгиланган вазифаларни изчиллик билан бажариш, хотин-қизлар саломатлигини мустаҳкамлаш, уларнинг ҳар соҳадаги ташаббусларини қўллаб-қувватлаш борасида кенг қўламли ишлар олиб борилаётгани, юртимизнинг янада гуллаб-яшнаши, келажак авлод тарбиясида аёлларнинг ўз ўрни борлигини қайд этди.

— Ватанга, оилага, ҳаётга ва келажакка эҳтиром аёлга, онага эҳтирдондан бошланади, — дейди мазкур институтининг маънавий-маърифий ишлар бўйича проректори Оллоқул Худойбердиев биз билан суҳбатда. — Аёлини асраган эл қудратли, онасини эъзозлаган фарзанднинг эса, толеи баянд бўлади. Зеро, дунёдаги жамки буюк зотлар, жаҳонгирлар оқила ва доно аёллар, гўзал табиатли аёллар бағрида ўсиб-улғайган. Шу боис ҳам аёлини азалдан муқаддас билиб, унга ҳурмат ва эҳтиром кўрсатишган. Биз нафақат институтида микросидаги, балки юртимиздаги барча аёлларимизни, латифатли қизларимизни байрам билан муборакбод этамиз. Уларга тани-сиҳатлик, узок умр ва ҳар бир ишда ривож тилаб қоламиз.

Байрам тадбирида эл севган санъаткорлар Козим Қажоков, Замира Суёнова ижросидаги оҳанрабо қўшиқлар, "Нихол" мукофоти совриндорлари, опера ижрочилари ва Ўзбекистон давлат консерваториясининг талабалари ижросидаги куй ва қўшиқлар, сўз усталарининг чиқишлари тадбирнинг мазмунли ва мароқли ўтишини таъминлаб берди.

Тадбирда, ёш авлодни ҳар томонлама юксак маънавиятга ва билимга этиб тарбиялашда самарали меҳнат қилиб келаётган бир гуруҳ педагог аёлларга эсдалик совғалари топширилди.

Гулчехра ДҲРДИЕВА

Реклама ўрнида

"ТОШКЕНТ УНИВЕРМАГИ" АКЦИЯДОРЛИК ЖАМИЯТИ ЖАМОАСИ

жаннатмонанд Ватанимизнинг оқила, доно, гўзал ва зукко барча аёлларини кириб келаётган 8 март — Халқаро хотин-қизлар байрами билан чин кўнгилдан муборакбод этади. Ишда, ўқишда, оилавий ҳаётингизда бахт-саодат ва омад ҳамиша ёр, эзгу тилакларингиз доимо ижобат бўлсин. Дилингизга тугиб қўйган барча нияту истақларингиз амалга ошсин. Чехрангиздан нур, лабингиздан табассум ҳеч қачон аримасин. Она заминга муҳаббат, Ватанга садоқат ҳислари Сиз азизларни асло тарк этмасин!

АЗИЗ ҲАМШАҲАРЛАР!
Универсал дўконимиздан Хотин-қизлар байрамида мўътабар онахонларимиз, қадрли опа-сингилларимиз дилларини шод этувчи турли-туман совғабоп буюмларни харид қилишингиз мумкинлигини эслашиб ўтамиз.

Маҳсулотлар сертифициланган.

ИПОТЕКА BANK

Азиз аёллар!
Сизни 8 март – Халқаро хотин-қизлар байрами билан табриклаймиз. Илк баҳор нурлари каби илиқ туйғулар қалбингизни доимо ёритиб турсин. Оилавий бахт ва тинчлик-хотиржамлик ҳамиша ҳамроҳингиз бўлсин!

